

kontuola...

KONTUOLA, Idolaz elkarte, ANTZUOLA. Kazetariak: Marijo Deogracias eta Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 69. zenbakia. 2000ko abenduaren 15a.

Larru ontzearen gaineko ikerketa

Domekan aurkeztuko da Antxon Aguirreren azterketa lana

Domekan aurkeztuko dute Antzuola Herria ikerketa bekaren hirugarren liburua. Larrugintzaren gainean egindako ikerketa da eta Antxon Aguirre Sorondok idatzi du. Aurkezpena udaletxeko areto nagusian izango da 12:30ean.

Antxon Aguirre Sorondo Eusko Ikaskuntzan etnografoa da, baina baita historialaria ere. Beste gai batzuen artean larrugintzaren gaia interesatzen zaio. Horregatik erabaki zuen Antzuolako Udalak antolatzen duen ikerketa bekara aurkeztea. Izan ere, urteetan larrugintzaren gaineko dokumentu asko bildu ditu. Berak dioen moduan, «nik dokumentu ugari nuen, baina enkargatu edo eskatzen ez dizuten bitartean, ez du merezi libururik idazterik; lan asko egiten duzu, eta gero, agian ezin daiteke argitaratu».

Antxonek larrugintza orokorrean aztertu bazuen ere, Antzuolako larrugintzari buruz bazuen informazioa: «datu historikoei begiratu gero, ikus daiteke 1914ko Gipuzkoako datuetan agertzen dela larrugintzari buruzko informazio ugari, baina jakina, liburua moldatzeko, lan handia egin behar da: artxibategietara joan, orduak sartu datuak bilatzen... Lan etnografiko garrantzitsua ere egin behar da eta azken larrugintzaileekin egotea posible bada, hori ere egin beharrekoa da».

LAN HISTORIKO-ETNOGRAFIKOA

Lanak bi zutabe nagusi ditu. Alde bate-tik, etnografikoa, hau da, herriko jendea- rekin egon, euren iritzia eta bizipenak ja- so; kaleko lana, azken batean. Bigarre- nik, lehen aipatu duguna, lan historikoa, hau da, lan dokumentatua.



Telleria lantokian 1936. urtean. ARG.: «ANTZUOLAKO LARRU ONTZEA» LIBURUTIK

Bekadunaren hitzetan, «lan kolekti-boa izan da, Iñigo Ramirez de Okarizek asko lagundu dit lan horretan. Bera izan da nire euskarria. Ni donostiarra naiz, eta ez nuen antzuolarrik ezagutzen. Berak asko lagundu dit norekin berba egin behar nuen jakiten eta baita argazkiak aurkitzen ere. Lanaren egilea ni izan arren, lan kolektiboa dela aitortu behar dut: maketzailea, elkarrizketatuak eta laguntza eskaini didaten guztiak kon- tuan izan behar ditugu eta».

Larrugintzari buruz zera dio: «Ant- tzuolan arrakasta izan zuen, lantegiak bata bestearen atzetik sortu ziren. Garai ona bizi izan zuten, baina gero desager- tu egin ziren larrugintza lantegiak». Libu- ruari dagokionez, oso liburu atsegina de- la dio. «Ez dago zertan hasi eta bukatu; ez du irakurketa lineala eskatzen libu- ruak. Argazki zahar oso interesgarriak jaso ditut larrugintzaren garapena zein izan zen erakusteko eta kontu eta anek- dota ugari ere badaude». ■

■ ■ ■
Antzuola Herria Ikerketa bekak larrugintza
aztertu du eta domekan aurkeztuko da
■ ■ ■

Bertso afaria zapatuan Gaztetxean

Gaztetxean bertso afaria egingo dute zapatuan, abenduaren 16an. Urtero antolatzen dute Gaztetxean horrelako afariren bat, eta aurten bertsolariak hauek izango dira: Xabier Sukia oriolarra, Arkaitz Ugartetxea zaldibartarra eta Ibon Karrera "Tolosa" tolosarra. Debatar bat ere ba omen dator. Samuelek eta Jon Gurutzek panderoa eta soinua joko dituzte.

Jende dezente espero da. Eguaztenean 73 lagun zeuden izena emanda.

Afaria 21:30ean izango da. Menua, berriz, entsalada eta oilaskoa, eta postreko gazta, irasagarra eta intxaurreak. Eta, jakina, kafearekin kopa eta purua ere izango dira! Dena, 1.500 pezetan.

Adierazi digutenez, mahaietara aterako da afaria, baina jasotzeko laguntza eskatzen da.



Bertsolariak eta trikitilariak egongo dira Gaztetxean.

Arangurenen aldeko bilkura egin zen

Juan Ramon Aranguren joan den asteko astelehenean izan zen Madrilero Auzitegi Gorenean deklaratu. Jakina denez, Baltasar Garzon epaileak AEKren kontra irekitako sumarioan Juan Ramon Aranguren antzularra inputatu zuen.

Beraren aurka eta AEKren aurka irekitako prozesua salatzeke protesta egin zen Herriko plazan joan den asteko astelehenean.

Jende dezente elkartu zen ordu laurdenez iraun zuen bilkuran. Herriko plazan eta Zurrategin egin zuten protesta.



ANTZUOLA

Apainketak eta isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Biltegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

GOROSTI Taberna

☎ 943 76 62 96
Zurrategi plaza ANTZUOLA



Eskolako neska-mutikoek egingo dute Santo Tomas feria. JUAN CRUZ ARGAZKIAK

Santo Tomas eguenean

Abenduaren 21ean, eguena, Santo Tomas feria egingo da herrian. Herriko Eskolakoek urtero antolatzen dute Santo Tomas feria eta aurten ere horixe egingo dute. Herriko plazan izango da, baina eguraldi txarra egingo balu, pilotalekuan jarriko dituzte animaliak.

Herriko neska-mutikoek ekarriko dituzte abereak: katu, untxi, oilo eta abar. Baina ez dira bakarrik abereak egongo; barazkiak ikusteko aukera ere egongo da eta. Hauek ere gaztetxoek ekarriko dituzte etxetik, eta, hori gutxi balitz, opilak, erroskilak eta antzeko goxoak ere izango dituzte erakusgai.

2000 EGUERRIAK PROGRAMA
Bakarrik edo bikotearekin bizi diren 65 urtetik gorakoentzat Eguberria Programa antolatu du Gizartekintzak. Gabon egunak Donostian igarotzea eskaintzen du programak, Igeldo hotelean: Gabon gaueko afaria eta gaua batetik, edo Gabon gaueko afaria, gaua eta Natibitate eguneko bazkaria bestetik. Izena ematen dutenek, euren diru sarreraren arabera prezioa ordaindu beharko dute. Zenbat ordaindu behar den jakiteko, edo informazio gehiago nahi izanez gero, udaletxeko gizarte laguntzailerengana jo. Izena emateko, berri, Bergarako San Joxepe elkartera jo, abenduaren 18a baino lehen.

MUSIKARI GAZTEEN KONTZERTUA

Datorren abenduaren 22an, eguakitzean, musikari gazteen kontzertua izango da zinetokian. 19:00etan izango da emanaldia eta Musika Eskolakoak eta Jon Gurutzekin dabilzan trikitilariak izango dira kontzertuan.

Santa Zezilia arrakastatsua

Zine aretoa jendez bete zen joan zen asteko domekan, Santa Zezilia eguneko kontzertua ikusteko. Herriko txistulari taldea, Antzuolako abesbatza eta Bergarako udal bandako metal boskotea izan ziren kontzertuan. Egitaraua, berri, honakoa izan zen: *Alkate soñua, Pil-pil, El tilo, Hiru damatxo, Gozo, Ederra, Segurako goiza, Kantuz, Xalbadorren heriotzean* eta *Euskal musikaren gorespena*.



Igor eta Txomin



Margoak orokorrean

ANTZUOLA
609 157 131

BERGARA
609 150 164



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-urrezteak
- Bainugelak. Proiektuak momentuan egiten ditugu DIBaren bidez
- Birgaitze-espedituek bideratzen ditugu

Mikel Araiztegi, pintura irakaslea

«Margo figuratiboa lantzen dugu»

Mikel Araiztegi da olio-pintura ikastaroko irakaslea. Bergarar horrek ia bi urte daramatza Antzuolan pintura ikastarok ematen. Aurten, iaz baino jende gehiago ari da ikastaroan: guztira, 15 pertsona. Ikastaroak kurtso osoa irauten du, hau da, urritik ekainera arte. Astean behin elkartzen dira Errekaldeko gelan: eguaztenero 18:30etik 20:30era.

Zer da olio-pintura?


Olio materiala da, margotzeko erabiltzen dena. Berezko ezaugarriak dauzka, izan ere, ez da berdina akuarelan edo olioan margotzea. Guk, hemen, olio egiten dugu.

Olioan margotzea, erreza da?

Hori bakoitzaren araberakoa da, baina egia esan, ez da teknika erraza, ikasi beharra dago. Hala ere, ez dago teknika berezirik ikasteko, nik irakaste erabiltzen dudana teknika neurea da.

Zelako ikasleak dituzu?

Denetarik dago; gehien bat emakumeak badira ere, adin guztietakoak etorri ohi dira: gazteagoak eta baita nagusiagoak ere. Adin kontuan, erdi eta erdi etortzen da, gutxi gorabehera.



Eguaztenero elkartzen dira Errekalde bi ordutik.

Ikastaroa bukatu eta gero, erakusketaren bat egiteko asmorik baduzue?

Iaz erakusketa bat egin genuen, baina aurten ez dakit zer egingo dugun. Litekeena da aurten ere erakusketa bat egitea. Hau, jakina, ez dago nire eskutan; ikastarora etortzen direnek esan beharko dute euren lanak erakutsi nahi dituzten.

Zer margotzeko da egokiena olio?

Olio teknikaren bidez edozer gauza margotu daiteke, baina guk, batez ere, figuratiboa lantzen dugu, hau da, paisaiak, pertsonak eta gauzak, alegia.

Gustura zabilzate ikastaroan?

Bai, ni irakasle moduan gustura nabil eta ikasleak ere oso motibaturik daudela esango nuke. Giro ona dago taldean. ■

Gaztainerre eguna

Udazkenero bezalaxe, aurten ere ospatu zen, joan zen azaroren 26an, gatzainerre eguna. Eguraldiak ez zuen gehiegi lagundu, baina, hala ere, deialdia arrakastatsua izan zen eta jende asko gerturatu zen gatzainak jan eta Bidaurreko sagardoa edatera.



KALEGOI 19 ☎ 943 76 64 07


Tomas Gezalaga

ANTZUOLA BERGARA

- Zoruen kutxilatu eta barnizaketa •

GAILUR

taberna eta
gozotegia



Buzinzuri 13 ANTZUOLA
Tf. 943 78 70 32

LARREA

TABERNA

Kalebarren 17
ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industrialarako pinturak •
- Paper margotuak •
- Moketak eta tapizatuak •